

Lothringer - Adam Marcel

2002

Känner lacht so scheen wie's Emilienne

De Michel buddelt im Grawe met Hack unn Schipp
Mem Karre fahrt er durch's Dorf, de Dreck uff de Kipp
Fier de Gemähn schafft er bi Glattiss, Sunn oder Rään
Onn er denkt: Känner lacht so scheen wie min Emilienne

Wenn de Litt grieiße, hält er mol e Schwätze ab
Wenn er verschwitz isch, hebt er mol die Schneppekapp
Met sinne Gedonke, do fiehlt er sich nie gonz elähn
Weil er denkt: Känner lacht so scheen wie min Emilienne

'S isch Mendaa unn's Onna schleppt e schwerer Wäschekorb
Wär doch de Marcel, min Älschder, nit so dumm gestorb

'S Läwe heert nie uff, es geht alles widderschdo
De nouveau Franc, de Sputnik, de Remembrement*
De kalde Kriesch, awwer Friede in sinne vier Wänn
Unn er denkt: Känner lacht so scheen wie min Emilienne

Donn pletzlich steht sin Älschdes oweds in de Dier
Z'rick von de Großstadt, awwer met e Souvenir
E neijer Marcel unn bald troon ne all uff de Hänn
Unn in de Wäschkisch lacht sich dirmlich es Emilienne

De Luscht om Läwe hat's Läwe uns noch nit verdorb
Wär doch de Marcel, min Älschder, nit so dumm gestorb

De Jingschde wachse unn wille aa uff de Rääs
'S Denise isch schunn weg, vielleicht blibbt's Marie-Thérèse
Om Brunne laaft de Marcel em Jean-Paul durch de Bään
Unn er denkt: Känner lacht so scheen wie min Emilienne

Donn laaft em Emilienne bald aa änner um de Rock
Schunn widder e Marcel unn widder e sturer Bock
Er heert se maie om Balcon hinner de Persiennes
Er freit sich: Känner lacht so scheen wie min Emilienne

E paar Daa späder hat er um sinni Hond geworb
Wär doch de Marcel, min Älschder, nit so dumm gestorb
De Hochzitt, de Kinner, de Grub, alles geht so schnell
Von de Kinddäf bis zur Kommunion solennelle

Geschenkt krinn mo gar nix, egal wie mon bisst uff de Zänn
Unn ich heer dich iwverall noch lache, Emilienne

Commentaires

04.02.1999

*) Remembrement: Neuaufteilung der Grundstücke ums Dorf

Text: Marcel Adam; Musik: Marcel Adam

Arrangement: L. Kremer